

CAYANAN DI PARADIJSWIJK LO HAYA NUMBER DI FRERÉ

Village lo haya number di Islanan di Caribe

ORANJESTAD (AAN) Di bon fuente DIARIO a ser informa cu Comision Number di Caya "Straatnamencommissie" ta preparando recomendacion pa gobierno pa cayanen nobo cu ainda no tin number, manera den Paradijswijk, Village y Esso Height. Ta keda na Gobierno si ta aproba e recomendacion di e comision.

Tarea di e comision ta pa dentro di algun luna e recomendacionnan mester ta na Consejo di Ministro pa e decision final.

E casnan na Paradijswijk (Madiki) tin "Kavel" number di Kadaster, e casnan aki ta particular apesar cu tabata intencion di gobierno pa traha e casnan aki tambe como cas di pueblo pero despues a cambia plan y a bende e casnan aki cu comunidad na sistema di "huurkoop" pero nunca e cayanen aki a haya number.

E casnan na San Nicolas esta den Village y Esso Height si ta cas di pueblo, esta di F.C.C.A.

Casnan na Paradijswijk lo haya number di e Frere nan cu a traha na Aruba for di aña 1890 pariba. Entre otro un di e cayanen lo haya number di Frere Eugene Ahn kende tabata prome director na Huize La Salle, e Frere aki a traha na Aruba durante añanan 1930 pa 1940 y asina por sigui menciona varios number di Frerenan cu a traha na Aruba riba tereno educacion, social, cultural y deportivo.

Cada un di e cayanen aki lo haya number di e Frere y su

historia.

Aruba tin caya cu numbernan di Pastoor, Zuster y actualmente e comision ta trahando riba number di Frere.

Pa loque ta e casnan na Village y Esso Height cu tambe ta numera segun Kavel lo haya number di caya un di e islanan di Caribe. Historia ta muestra cu e dos barionan aki a ser forma pa personanan cu ta bin di un si e islanan den Caribe, por ehemplo, Trinidad, Guyana, Jamaica, St. Croix y St. Kitts.

Village tin dos caya caba cu number di un di e islanan cu ta St. Maartenstraat y Sabastraat, ambos lo number lo ser mantene pero lo cambia "straat" pa caya. Village Zuid cu Village Noord lo ser elimina por completo pa number di un di e islanan di Caribe. E cambionan aki mester dreña na vigor prome cu fin di aña pasobra nan ta casonan urgente, asina DIARIO a ser informa pa un persona cu ta hopi bon na altura.

Pa loque ta Hooiberg unda tin varios caya cu cas nobo cu tambe ta numera segun kavel di Kadaster lo no haya number di caya pero e casnan aki mester haya number di Oficina di Censo pasobra e casnan aki ta cay bao Hooiberg y cada un cas lo haya su number di Hooiberg.

DIARIO no por a haya Sr. Roque Solognier presidente di e comision pa confirma e noticia aki, pero e fuente di DIARIO ta bisa cu noticia ta corecto.